

مُمطرة هذي السّما

إرشفينا قطرتين مّن المطر
ومّن الشعر
إييه ارتوينا !
من بعد عمّر الجفاف اللي كبر
بشعورنا
و من بعد ماذبَلت اغصان الفرح
بصدورنا
أمطرت هذي السّما
مثل المواعيد الجميله
يالله نركض ف المدى المبلول
ونعدّ المطر !

العنود العبدالله

مُمطرة هذي السّما
مثل المواعيد الجميله
يالله نركض ف المدى المبلول
ونعدّ الـ.. مطر
قطرة : قطرة
وماعلينا
لو دخل فينا البراد .. ولو تعبنا
... التعب :
بيصير راحة .. لا بغينا !..
ياصباحات البلل .. والعشق
واغانى الحنين
اللي هويينا :